

李翰林集

(當塗本)

李翰林集

(當塗本)

下

黃山書社

图书在版编目(CIP)数据

李翰林集:当涂本/马鞍山李白研究所整理. —影印本. —合肥:黄山书社, 2004.4

ISBN 7-80707-003-X

I.李.. II.马... III.李白(701~762) —全集
IV.I214.22

中国版本图书馆CIP数据核字(2004)第018270号

黄山书社出版发行
(合肥市金寨路381号)

*

新华书店经销

合肥杏花印务股份有限公司印刷

开本:850×1168 1/32 印张:29.25 字数:700千

2004年4月第1版 2004年4月第1次印刷

印数:00001~2500套

定价:100.00元

李翰林集卷第十六

翰林供奉李白

登覽

登瓦官閣

登巴陵開元寺西閣贈衡岳僧方外

登單父陶少府半月臺

九日登巴陵置酒望洞庭水軍

登梅崗望金陵贈族姪高座寺僧中孚

登邯鄲洪波臺置酒觀發兵

秋登巴陵望洞庭

與夏十二登岳陽樓

登廣武古戰場懷古

登新平樓

紀南陵題五松山五首

陪族叔當塗宰遊化城寺升公清風亭

題瓜洲新河餞族叔舍人賁

題金陵王處士水亭

題東谿公幽居

題江夏脩靜寺

登錦城散花樓

登金陵鳳凰臺

朝下過廬郎中叙舊遊

尋魯城北范居士失道落蒼耳中見范置

酒摘蒼耳作

尋山僧不遇作

尋高鳳石門山中元丹丘

過汪氏別業二首

夜泛洞庭尋裴侍御清酌

至鴨欄驛上白馬磯贈裴侍御

初出金門尋王侍御不遇詠壁上鸚鵡

題宛谿館

荆門浮舟望蜀江

醉過謝安東山

秋登宣城謝朓北樓

醉題王漢陽廳

登金陵冶城北謝安墩

大庭庫

天台曉望

秋日登揚州西靈塔

望黃鶴樓

金陵望漢江

登敬亭北二小山

過崔八丈水亭

望木瓜山

掛席江山待月有懷

謁老君廟

登峨眉山

登瓦官閣

晨登瓦官閣極眺金陵城鍾山對北戶漢

淮一作

水入

南榮漫漫雨花落嘈嘈天樂鳴兩廊振法鼓四角吟

風箏杳出霄漢上仰攀日月行山空霸氣滅地古寒
陰生寥廓雲海晚蒼茫宮觀平門餘閭闔字樓識鳳
凰名雷作百山動神扶萬拱傾靈光何足貴長此鎮
吳京

登巴陵開元寺西閣贈衡岳僧方外

衡岳有開

一作闡

士五峯秀真骨見君萬里心海水照

秋月大臣南溟去

一作法

問道皆請謁灑以甘露言清

涼潤肌髮明湖落天鏡香閣凌銀闕登眺飡惠風新
花期啓發

登單父陶少府半月臺

陶公有逸興不與常人俱築臺像半月迴迴一作向高
城隅置酒望白雲商飈落寒梧秋山入遠海桑柘羅
平蕪水色淥且明令人思鏡湖終當過江去愛此暫
踟躕

九日登巴陵置酒望洞庭水軍

時賊逼
華容縣

九日天氣清登高無秋雲造化闢川岳了然楚漢分
長風鼓橫波合沓感龍文憶昔傳遊豫樓船壯橫汾
今茲討鯨鯢旌旆何繽紛白羽落酒樽洞庭羅三軍
黃花不掇手戰鼓遙相聞劒舞轉頽陽當時日停曛
酣歌激壯士可以摧妖氛齟齬東籬下淵明不足群

登梅崗望金陵贈族姪高座寺僧中孚

鍾山抱金陵霸氣昔騰發神開帝王居海色照宮闕
群峯如逐鹿奔走相馳突江水九道來雲端遙明沒
時遷大運去龍虎勢休歇我來屬天清登覽窮楚越
吾宗挺禪伯特秀鸞鳳骨衆星羅青天朗者獨有月
冥居順生理草木不剪伐煙窓引薔薇石壁老野蔭
吳風謝安屐白足傲履襪幾宿一下山一作下山來蕭然
忘干謁談經演金偈降鶴舞海雪時聞天香來了與
世事絕佳遊不可得春去惜遠別賦詩留巖屏千載
庶不減

登邯鄲洪波臺置酒觀發兵

時欲遊荆門

我把兩赤羽來遊燕趙間
天狼正可射感激無時閑
觀兵洪波臺倚劒望玉關
請纓不繫越且向燕然山
風引龍虎旗歌鐘昔追攀
擊筑落高月投壺破愁顏
遙知百戰勝定掃鬼方還

秋登巴陵望洞庭

清晨登巴陵周覽無不極
明湖映天光徹底見秋色
秋色何蒼然際海俱澄鮮
山青滅遠樹水綠無寒煙
來帆出江中去鳥向日邊
風清長沙浦霜空雲夢田
瞻光惜積髮閱水悲徂年
北渚旣蕩漾東流自潺湲

郢人唱白雪越女歌採蓮聽此更腸斷憑崖淚如泉
與夏十二登岳陽樓

樓觀岳陽盡川迥洞庭開鴈引愁心去山銜好月來
雲間逢下榻天上接行盃醉後涼風起吹人舞袖迴
登廣武古戰場懷古

秦鹿奔野草逐之若飛蓬項王氣蓋世紫電明雙瞳
呼吸八千人橫行起江東赤精斬白帝叱咤入關中
兩龍不並躍五緯與天同楚滅無英圖漢興有來功
按劍清八極歸酣歌大風伊昔臨廣武連兵決雌雄
分我一盃羹太皇乃汝翁爭戰有古跡壁壘積層穹

猛虎吟洞壑飢鷹鳴秋空翔雲列曉陣殺氣赫長虹
撥亂屬豪聖俗儒安可通沉湎呼豎子狂言非至公
撫掌黃河曲咄咄阮嗣宗

登新平樓

去國登茲樓懷歸傷暮秋天長落日遠水靜寒波流
秦雲起嶺樹胡鴈飛沙洲蒼蒼幾萬里目斷令人
愁

紀南陵題五松山五首

一本併作一首

聖達有去就潛光愚其德魚與龍同池龍去魚不測
當時版築輩豈知傳說情一朝和殷人光氣爲列星

伊尹生空桑捐庖佐皇極桐宮放太甲攝政無愧色
三年帝道明委質終輔翼曠哉至人心萬古可爲則
時命或大謬仲尼將奈何鸞鳳忽覆巢麒麟不來過
龜山蔽魯國有斧且無柯歸來歸去來宵濟越洪波
陪族叔當塗宰遊化城寺升公清風亭

化城若化出金榜天宮開疑是海上雲飛空結樓臺
升公湖上秀粲然有辯才濟人不利己立俗無嫌猜
了見水中月青蓮出塵埃閑居清風亭左右清風來
當暑陰廣殿太陽爲徘徊茗酌待幽客珍盤薦雕梅
飛文何灑落萬象爲之摧季父擁鳴琴德聲布雲雷

雖遊道林室亦舉陶潛孟清樂動諸天長松自吟哀
留歡若可盡劫石乃成灰

題瓜洲新河餞族叔舍人賁

齊公鑿新河萬古流不絕豐功利生人天地同朽滅
兩橋對雙閣芳樹有行列愛此如甘棠誰云敢攀折
吳關倚北固天險自茲設海水落斗門湖平見沙汭
我行送季父弭棹徒流悅楊花滿江來疑是龍山雪
惜此林下興愴爲山陽別瞻望清路塵歸來空寂滅

一作
義

題金陵王處士水亭

此亭蓋齊朝南苑
又是陸機故宅

王子耽玄言，賢豪多在門。好鵝尋道士，愛竹嘯名園。
樹色老荒苑，池光蕩華軒。北堂見明月，更憶陸平原。
掃地青玉簾，爲余置金樽。醉罷欲歸去，花枝宿鳥喧。
何時復來此，再得洗囂煩。

題東谿公幽居

杜陵賢人清且廉，東谿卜築歲將淹。宅近青山同謝
眺，門垂碧柳似陶潛。好鳥迎春歌後院，飛花送酒舞
前簷。客到但知留一醉，盤中只有水精鹽。

題江夏脩靜寺

我家北海宅

此寺是李北海舊宅也

作寺南江濱。空庭無玉樹